

Уляшев Артур Иванович

Рака тӧлысь

Бордтӧм лэбачӧн лымйыс усьӧ,
Вевтгӧ тырӧм нин керка выв.
Рака тӧлысьӧн кӧть и шусян,
Налӧн горзӧмыс оз на кыв.

Чизыр войтӧлыс пельтӧ сотӧ,
Руа сынӧдыс йиа кын.
Овлӧ, востымӧн енэж потӧ,
Либӧ турӧблӧн лыбӧ вын.

Гӧгрӧс шондӧыс бура вылӧ
Лэптӧ вӧр сайсянь ассьыс ныр,
Сӧмын гожӧмыс зэв на ылын,
Эзысь дзирдӧясӧн ӧрӧ пыр.

Лымйыс гартчӧмӧн сапкӧ-усьӧ,
Вевтгӧ-поньталӧ ыбӧяс выв.
Рака тӧлысьӧн кӧть и шусян,
Кылӧ войпельӧн сьыланкыв.

Ќти гижнысö оз куж,
Мöдлön уджын абу сямис.
Сэтшöмыс оз этша чуж,
Коді олöмас дзик нямöд.
Аслань куртö-сöвтö ки,
Водзöс вывті этша сетö.
Сьöлöм пытшкысь ловья би
Шоныд руön матöдз петö.
Кодлы муса вöр и ю,
Олö код оз сідзи-тадзи –
Сэтшöм йöзтö чужан му
Ќні гежöда зэв аддзö.

Дзикöдз косьмис визув юыс,
Оз нин кывлы ызгöм шы.
Нюкыртчöма зумыш пуыс:
Юыс – нюйтön тырöм ты.

Эз коль уна парма-вöрыс,
Гöгöр чашйöм эрдья выв.
Вошö сöстöм сынöд кöрыс,
Бырö пöтка сьыланкыв.

Абуöсь и варов öльяс,
Мöдтор йылысь ог нин шу.
Водзын озыр вöлі ольыс,
Воши сійö лы ни ку.

Коми войтырыс тшөтш бырө,
Оз коль сыысь ис ни ру.
Ставыс азьчумөн со тырө
Кольö нимыс – Коми му...

Кысöйд мунигас усис да анис,
Шыръясöс кыйысьöс некод эз шаньöд,
Некод оз дорйы ни некод оз мольöд.
Гуранö йöрмис да öтнасөн колис.
Бура дыр оліс сэн тшыг нисьö пöтөн,
Яйыд да шыръясыд шедлісны вöтөн.
Гортас вошöмөн чайтісны сійöс:
Мутиас ветлігас кодкö да виис.
Вежонысь дыр бöрын локтö да горзö,
Йöлöга весигтö дэльöдчö-ворсö:
«Мезми ме, ловъя на, гортланьö воа.
Тіянöс гажöдысь бвра на лö!»

Асывсянь енэжыс сöдз юлөн рöма.
Лöсталö вый бордөн мавтыштöм мич.
Вөр сайсянь гудыртчöм кымöрыс сöмын
Пыдöстöм мичлунсö дырсö оз видз.

Регыдөн кымöрыс ледзьясөн водö,
Саймовтö доналöм шонділысь ныр.
Весигтö рöмыдыс тöдчимөн содö.
Ылісянь сьöкыда шуркөдчö дыр.

Бусалысь төвнырөн зэрыс кор мунас –

Муыс и енэжыс сè рөмөн тыр.

Ворсөдас-гажөдас гожея жар лунас

Зіль өшкамөшкаыс кытчөдз оз быр.